



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geistliche Hauß-Bibliothec

Das ist/ Allerley heylsame Tractätlein zu sonderbarer Aufferbawung vnnd
Trost einer Christlichen Seel

Lohner, Tobias

München, 1684

§. 11. Lehren von der Hoffnung zu Gott wegen täglicher Nothdurfft.

urn:nbn:de:hbz:466:1-44828

Best Güter des Leibs vnd der Seel? Suche ein Gut/ in welchem alles Gut versamblet ist/ vnd es ist dir genug.

§. 10.

Lehren von der Hoffnung zu Gott wegen täglicher Nothdurfft.

Erste Lehr.

Es kame mich einmal ein Forcht an/ es möchte mir vnd anderen meinen Ordens- Genossen an der täglichen Nahrung manglen/ welche Ansehung als ich dem geistlichen Vatter entdeckte hatte/ hat er mir dise Forcht sehr füglich genommen/ in demer mich gefragt/ wann ich ein liebes vnd sehr wol singen- des Vögelein hätte/ ob ich dasselbe wolte hunger sterben lassen? als ich derothalben antwortete/ ich wolte ja freylich solches nicht zulassen/ sagte er darauß/ wie vil weniger ist zu fürchten/ daß der gütige G D D die jenige Personnen/ welche ihm Tag vnd Nacht so lieblich singen/ vnd herrlich loben/ nicht reichlich ernehren vnd erhalten werde? welche Antwort mich nicht wenig getröst hat/ sonderlich weil ich auch in gedencel war/ was Christus Matth. c. 6. gesagt: **Sehet an die Vögel des Lufftes/ daß sie nicht säen/ noch einschneiden/ vnd dennoch sie der himmlische Vatter ernehre; seyt ihr nit mehr/ als sie?**

Andere Lehr.

Nit minder hat mich ein andersmal der Prediger getröst/ da er dise Wort: **Suchet zuvor das Reich Gottes/ vnd sein Gerechtigkeit/ vnd**

es wird euch dises alles zugeworffen : aufgelegt/ vnd für einen besten Zinsbrieff geben hat. Erstlich/diweil er vil verspricht/ nemlich alle Nothdurfft.

Zum andern/ weil derjenige/ der ihn geben hat/ überflüssig wil vnd kan bezahlen.

Zum dritten/ weil diser Brieff mit sieben Sigil bekräftiget ist/ daß ist/ mit sieben Titeln/ derentwegen ein gerechter Mensch von GOTT die tägliche Nothdurfft erfordern vnd hoffen kan/ nemlich weil er sein Geschöpff/ ein Mensch/ ein Diener/ ein Schaaf mit seinem H. Blut erkauft/ ein Freund/ ein Sohn/ ein Braut ist/ welche alle Titel/ weil sie bey den Menschen also vil gelten/ daß nit bald einer die Nahrung demjenigen/der einen solchen Titel vnd Zuspruch hat/ verlaugnet/ wiewil mehr werden sie bey GOTT gelten/ wann sie alle bey samen in einem Menschen gefunden werden.

Dritte Lehr.

Als ich auff ein Zeit für das Zukünfftige gar zu sorgfältig war/ vnd derohalben auff alle weiß Geld zusamen samblere/ vnd auffhielte/ hab ich gar tüglich nachfolgende Histori auß dem Spec. Exempl. diik. 2. ex 112. von dem Prediger gehört : Er sagte/ es sey auff ein Zeit ein Gartner gewesen/ welcher alles/ was er mit der Arbeit gewonnen/ vnd zur täglichen Nothdurfft nit vonnöthen war/ den Armen auftheilte. Diweil ihm aber der böse Feind ein gabe/ wie es ihm zur Zeit der Kranckheit ergehen werde/ hat er angefangen die Hand einzuziehen/ vnd ein Geschürlein oder Häselein mit Geld anzufüllen; welches aber bald wider gelährt worden: dann

weil ihme der Fuß zugeschwollen/ vnd zusaulen angefangen/ vnd nichts helfen wollen/ ist alles Geld in die Arzten außgetheilt worden/ also daß man leiblich gar geschlossen/ daß ihme der Fuß abgenommen werden soll. Welches als er gehört/ ist er in sich selbst gangen/ sein Schuld bekennet/ vnd Bittet/ daß er seine vorige Almosen gedencken/ vnd sich über ihu erbarmen wol/ inständig gebetten/ darauß ihme ein Engel erschienen/ vnd erstlich zwar gefragt/ wo sein Geld sey/ daß er mit so grosser Sorgfältigkeit gesamblet hab? hernach aber/ weil er umb Verzeihung gebetten/ seinen Fuß geheilt/ vnd hinfüran sein voriges Vertrauen auff Gott setzen ermahnt hat/ deme ich dann auch/ weil ich mich gleicher Schuld schuldig wuste/ auff's fleißigist nachzufolgen mich entschlossen hab.

Beschluß.

Vnd auß diesem was bishero gesagt worden/ kan nun leiblich abgenommen werden/ wie man der gleichen Denck-Büchel ordnen/ vnd die fürnemmsten Lehren verzeichnen solle/ nach Ermahnung des gesegneten Lehrers/ welcher in der Verfohn Christi außspricht: Schreib meine Wort in deinem Herzen/ vnd erwege sie fleißig/ wann sie werden zur Zeit der Versuchung sehr notwendig seyn. Alwo wohl zu merken ist/ daß er mit allem sagt/ man solle sie schreiben/ sonder auch erwegen/ damit man zu Erfüllung derselben auffgemuntert werde. Dieses derohalben thue/ so wirst du loben/ vnd den von dir vnd mir erwünschten Fruch und Trosthäuffig erfahren/ Amen.

Dien